

الجامعة و سنيتها) الجزء الثاني (_ كلام خطير عن طلب العلم و الدعوة و صلاة البنات _ م علاء حامد

علاء حامد

الحمد لله و اشهد ان لا الله الا الله وحده لا شريك له و اشهد ان محمدا عبده و رسوله صلى الله عليه وسلم. اما بعد اهلا ومرحبا بكم في لقاء جديد. لايف جديد - [00:00:00](#)

بنكمل فيه اللي فات اللي بدأنا فيه الكلام على موضوع الجامعة ونصائح مهمة جدا تتعلق بالجامعة وسمينا الجامعة وسنيتها. واللایف دوت يعتبر الجزء الثاني من لايف الجامعة وسنيتها. ليه الجزء الثاني؟ لأن احنا الجزء الاولاني اه كنا متخلين ان احنا هنخلص كل النصائح وطبعا - [00:00:15](#)

ما بيحصلش وانما يدوبك اتكلمنا في آآ تلات اربع نصائح بس ولسه في نصائح كتير قوي معنا فكان لازم يتعمل لايف تاني المرة اللي فاتت اتكلمنا على مواضيع مهمة منها. آآ احنا ليه ليه بنروح الجامعة؟ وايه المفروض النوايا - [00:00:39](#) اللي انا انويها لما بروح الجامعة ازاي احول الجامعة ديت من عمل مباح عادي لم يكن اه ما كنتش متخييل قوي اه ان هو ممكن يكون في ميزان حسنات يعني انا بعتبر الحسد - [00:01:00](#)

الجامعة دي في ميزان السيئات لأ. احنا اتكلمنا ازاي تحول الجامعة دي آآ قصة عبودية. ازاي تحولها الى الى آآ آآ عمل صالح تؤجر عليه. اتكلمنا على موضوع النوايا وفهمنا انما المفروض انوي ايه بالجامعة. الجامعة دي ممكن تكون في ميزان حسناتك - [00:01:16](#) ممكن تكون في نفس الوقت في ميزان السيئات وكل دوت راجع عليه النية الاصلية احنا بنعمل ايه في الجامعة؟ كلمنا باستفاضة في النقطة دي وبعد كده اتكلمنا على آآ تلات نصائح للفشل في الجامعة. فاكرين؟ تلات نصائح للفشل في الجامعة. وقلنا كيف تفشل في - [00:01:36](#)

الجامعة في تلت خطوات تلات خطوات قلنا اول خطوة انك انت آآ اعمل علاقات مع الجنس الآخر. يعني لو انت ولد اعرف بنات سواء شخصية او حب. لو انت بنت اعرفي ولاد سواء حب او صحبوية. ده اسرع طريق للفشل في الجامعة. واتكلمنا طبعا قلنا ليه؟ اه - [00:01:56](#)

النقطة الثانية قلنا تفشل في الجامعة انك انت تكره الجامعة. عشان هي مش دي الكلية اللي انا بحبها. او مش دي اللي انا كنت بتمناها فانا قررت ان انا افشل. فيها - [00:02:18](#)

انا ما بحبهاش. نمرة ثلاثة صاحب ناس فاشلين ما لهمش في المزاكرة. خبئاء بيحبوا كل حاجة. آآ بيجبطوك لو زاكرت والكلام دوت اخر حاجة اتكلمنا فيها كان موضوع خطير جدا وهو ليه انا بنصح الشباب ما يقعوش في علاقة عاطفية في الجامعة ابدا مهما كان - [00:02:28](#)

آآ مهما كانت العلاقة العاطفية دي في زنك سليمة وما فيهاش حاجة غلط وكده حتى لو كانت يعني مش هنعمل حاجة حرام والجو ده. وقلنا ليه ليه انا ما انصحش خالص ان الانسان - [00:02:48](#)

يفتح على نفسه الباب دوت. لأن غالبا الباب ده نهايته مؤلمة. وصدمة في النهاية ان انت صعب ان انت اه مم لو ظروفك المادية مش نمرة واحد يعني صعب جدا تتجاوز واحدة في سنك خلينا واقعيين. آآ اللي عايز يرجع للتفاصيل يرجع اللي فات. طيب. آآ خلينا بقى نكمel - [00:03:02](#)

آآ في النصائح طيب نصيحة الاولى معنا النهاردة في الليف دوت وهي اه صدق او لا تصدق. صدق او لا تصدق مرحلة الجامعة هي افضل مرحلة في حياتك في طلب العلم الشرعي - [00:03:22](#)

طلب العلم الشرعي اعني به تعني ان انت افضل وقت في حياتك. في حياتك وفي حياتك ممكنا تلاقيه ميسرا لحفظ القرآن لتعلم الفقه العقيدة لدخول الدورات المختلفة تعلم العلوم الشرعية الانتماء لبعض المعاهد الشرعية - [00:03:50](#)

احسن وقت هو وقت الجامعة بعض الناس يتخيل العكس يقول لها الجامعة وانا مشغول فيها وما فيش وقت وهنعمل ايه؟ لما اخلص هحفظ قرآن لما خلص هطلب علم لما اخلص هخش بقى الدورات بقى اللي كنت بحلم بها كلها وهعمل واسوي - [00:04:19](#)

نقول له انت واهم. لو ما عملتش كده في الجامعة مش هتعمل كده بعد الجامعة. وقت الجامعة عن تجربة عن تجربة مش تجربتي انا بس تجربة مئات من اللي شفتهم هي افضل وقت في حياتك هتطلب فيه علم. والموضوع - [00:04:41](#)

له كذا سبب اصلا. كذا سبب. السبب الاول ان انت في فترة الجامعة غالبا لك نظام وعارف راسك من رجليك. يعني ايه لي نظام يعني انا عارف آآ لي مواعيد - [00:05:01](#)

آآ في ايام عارف بروح الجامعة في الايام ديت برجع في الايام ديت بروح الساعة كذا برجع الساعة كذا فضلا ان في ميزة رهيبة جدا في ايام الجامعة. وهي ان في حاجة اسمها اجازة - [00:05:20](#)

في حاجة اسمها صيف في تلت شهور اجازة. في نص سنة الكلمة دي انساها بعد الجامعة انسى كلمة الاجازة الصيف آآ نص السنة. الكلمة دي اخر مرة هتسمعها في سنة اخر سنة في الجامعة - [00:05:36](#)

وبعد كده الى ان تلقى الله مش هتسمع كلمة اجازة وصيف وتلات شهور اجازة والجو دوت تمام انا ما اعرفش الصيف من الشتاء الا من المطر. يعني يعني ما بعرفش الصيف من الشتاء الا اما اولادي يخشووا المدارس. انا غير كده كل يوم - [00:05:57](#)

زي كل يوم ما فيش اجازات خلاص. ما فيش رفاهية ان انا عندي تلات شهور اجازة دي خلاص. فضلا ان انت بيقي عندك سيستم في الحياة بقى آآ هيبي صعب بعد الجامعة. ده بعد الجامعة ما فيش سيستم. بعد الجامعة انت وارد تكون تخشن جيش - [00:06:17](#)

طبعا وقت رهيب جدا هيضيع منك. وارد بعد الجامعة تسافر تستغل برة. تبقى الحياة مضطربة ودوام صبح وليل وبتاع ممكنا انت بعد الجامعة تخشي في خطوبة في جواز في تجهيز في جوزي مسافر فهسافر معه والدنيا اتكلبت - [00:06:38](#)

فمسألة انت اصلا عندك سيستم دي مسألة هتفتقدها بعد الجمعة. ده اول ميزة. اول ميزة اللي هي ايه؟ انت في نزام. يعني في نزام اقدر هو نزام ما يفرق فيه اقدر اعمل جدول - [00:06:57](#)

اقدر اعمل جدول لنفسي. اقدر اقول والله هروح الدرس الفلاني. اقدر اقول والله مواعيد الدار هحطها هنا عشان تناسب مواعيد جامعة اقدر اقول والله انا آآ خلاص اليوم اللي مش بروح فيه الجامعة هشد حيلي فيه في طلب العلم الشرعي عشان اعضوا كذا - [00:07:16](#)

والجامعة حتى من من جمالها ان هي ما بتطرحش كل يوم. معلش اضخن واحد فيينا بيروح الجامعة تلات اربع ايام في週末. بس يمكن تلاتة وفيه اتنين لكن انت بعد كده لما هتشتغل هيبي بتروح الشغل ست ايام في週末. ولو انت جامد جدا هتروح خمسة بس. فضلك - [00:07:37](#)

انت بتروح الشغل بتشتغل ضمير. يمكن تروح الجامعة ممكن يعني تقدع محاضرة او محاضرتين وتروح لكن الشغل هتقعد تمن تسع عشر ساعات على الاقل في الشغل. فاللي عايز اقوله انت اولا عندك نزام - [00:07:57](#)

في في الحياة اقدر امنع عليه نزام تاني اسمه جدول طلب علم اسمه جدول حفظ قرآن نمرة اتنين عندي اجازات عندي حاجة اسمها صيف ونص السنة. نمرة ثلاثة اصلا ادا كده ما بروحش الجامعة كل يوم بروح يومين ثلاثة في週末 والباقي قاعد فاضي. طيب - [00:08:13](#)

ايه الميزة كمان؟ الميزة كمان انك انت ضامن السيستم ده لمدة اربع خمس سنين. يعني ممكن اقعد على كده اربع خمس سنين عارف راسي من رجليا. انت متخييل ان ممكن تحصل قد ايه علم - [00:08:33](#)

اربع خمس سنين. اللي هو بعد كده هتتمنی ساعة فاضية. في اليوم علشان تراجع بس القرآن وما فيش اصلا مش قادر تحضر دروس الميزة كمان ان انت غالبا غالبا بيتصرف عليك - 00:08:49

غالب الناس الا حالات معينة اه اه في فترة الجامعة اهلك بيصرفوا عليك. يعني لا انت بتشتغل ولا اهلك ولا ولا انت شايلهم حد حد ولا شايلهم اسرة ولا عندك وراك آآباتع ولا فيه عما انت متشال. انت بتروح لاكلك تلاقي شريك - 00:09:05

بتاخد مصروفك يعني ما وراكس اي حاجة غير انك انت تزاكى تزاكى وتطلب بقى علم شرعى في وقت الایه ؟ الفراغ بتاعك. الميزة اللي بعد كده اه وهي ميزة جبارة جدا يعني. وهي ان المكنة شغالة - 00:09:29

يعني ايه المكنة شغالة ؟ اسألوا اي حد خلص فترة الجمع لو حد فينا بيحضر دلوقتي معى الليف دوت مخلص فترة الجامعة هيعرف اللي انا بقوله دوت ان المكنة مش هتشتغل بعد الجامعة ابدا - 00:09:47

زي ما كانت شغالة في الجامعة المكنة يعني ايه ؟ يعني انت اصلا جو الجامعة هو جو طلب علم طلب علم دوت ممكни يبقى وراه علم دنيوي. بس في النهاية هو طلب علم - 00:10:01

هو طلب علم يعني آآفي في مكنة الحفظ والفهم شغالة هي اه لما المكنة تبقى شغالة اي حاجة تتحط فيها هتسلىك لكن لما المكنة دي تقف بتلاقي ان في صعوبة في ان انت تشغليها وتقومها تاني - 00:10:16

فهي كده قاعدة بتحفظ وبترافق وبتفهم. العلم الشرعي شبه العلم الدنيوي في الحلة ديت هو كده كده العلم الشرعي في النهاية هو عبارة عن حفظ وفهم اه المادة غير المادة. بس هو في الآخر حفظ وفهم. انا كده كده في مكنة الحفظ شغالة ومكنة الفهم شغالة. فاللي انا هعمله هدخل معه - 00:10:37

قرآن هدخل معها فقه ادخل معها اصول هدخل مصطلاح هدخل دورة هدخل آآهدخل دورة ما هدخل معهد ما كله هيسلىك. هتلaci الدنبا بتجرى. لكن تعال كده واحد طلع من ما طلع من الكلية. ودخل الجيش وطلع من الجيش - 00:11:02

اذ يطلب علم بيلaci الدنبا مهنجة. ما فيش الدماغ مش صافية. ما فيش الحفظ بتاع زمان. هو كان فاكر ان هو بعد ما خلص الجامعة بدماغي وهحفز واذاكر انسى. ده هي كانت احسن وقت الجامعة. لما كانت المكنة اصلا ايه ؟ لما كانت المكنة اصلا شغالة - 00:11:22

تمام طيب من المزايا اللي موجودة في الجامعة خطيرة جدا وهو انك انت بتقابل ناس كتير في الجامعة ممكنا اصلا يساعدوك على طلب العلم. يعني في صنفين في الجامعة موجودين معك. مش هتلaciهم بعد الجامعة صعب تحصلهم - 00:11:41

الصنف الاولاني هو الصحبة اللي ممكنا تساعدنى في طلب العلم. يعني انت ممكنا تتفقى مع البنات يلا بنا يا بنات نطلب علم. تمام ؟ فتلaci اتنين ثلاثة اتشجعوا معك. فدول اللي هنقدر نزق في بعض. ونفك بعض ونساعد بعض لغاية ما نبقى كويسيين - 00:12:04 طلب العلم. بعد كده هتبقى فيه صعب يعني انت هتبقى عايشة ما معكش غير جارتكم ما لهاش في حاجة. ما ما يعني ما فيش حد حواليك خلاص. فنكرون ان انت بتقابل كل يوم بنات آآواتفقتي مع ثلاثة منهم هنشتغل هنراجع هنراجع بعض هنسأل بعض كل يوم على الورد بتاع المزاكرة بتاع الفقه - 00:12:21

بتاع الدورة ده الجوه مش هتلaciه بعد الجامعة. فالتشجيع هيفتقد بعد الجامعة الصنف الثاني اللي موجود في الجامعة اللي هو خطير جدا وممكنا فعلًا بعد الجامعة ما تلaciهوش وهو المعلمة او بالنسبة للولاد - 00:12:41

علم. احيانا بيبقى شيخي في سني واحيانا بتبقى الاخت اللي هي المعلمة بتاعتك هي في سنك اصلا. و بتقابلها كل يوم في الجامعة. هو في اجمل من كده ؟ يعني ايه ؟ يعني - 00:12:57

في اخت صاحبتك خاتمة قرآن ومعها اجازة وانت بتتحفظى معها. تخيل انا بقى تكون بقابل الشیخ اللي بحفظ معه كل يوم او بقابله ثلاث اربع مرات في週. كنز مش هتلaciه بعد كده. لو انا كل يوم سمعت لها ان شاء الله في المواصلات حتى وانا رايحة وانا جاية هتحفظى القرآن كله في سنة سنة ونص. تمام - 00:13:11

ممكنا ما بين المحاضرات تسمع لي ممكنا في مسجد الكلية تسمع لي. وممكنا كمان تكون المعلمة ديت او الاخت اللي هو في سنك او

ممكن يكون اكبر منك سنة او اكبر منك بسنتين انت في اولى وهو في رابعة انت في تانية وهو في رابعة. المهم ان انت عرفت ان في حد طالب علم حامد اه شيخ اه الاخirt ديت محفظة - 00:13:31

معلمة جامدة في طلب في حاجة في العلم ربطت معها تمام؟ آآ وشبيطت معها وايه وخلاص فتخيل انت بتقابلة كل يوم، ممكن لو
قدعوا في المسجد ربع ساعة كل ما بتتقابلو بتقروا في كتاب بيسشرح لك حاجة في كتاب هتخلص الفقه في سنة هتخلص العقيدة
في ست شهور، هتخلص الكتب معه قبل ما نطلع من الكلية - 00:13:51

هنبقى خلصنا كتب كتير من غير لا اروح مسجد ولا اتخانق مع اهلي ولا هروح بقى الدار ولا يقولوا لي ما تروحوش المسجد ولا ما تروحش المعهد دوت ما فيش . الكلام ده - 00:14:14

كده كده انا بقابل المعلم بتاعي او بتقابل المعلمة بتاعتكم جوة الجامعة نفسها. فيا سلام يا بخت اللي تلاقي معلمتها جوة الجامعة. سواء تلاقي اخت صالحة خاتمة قرآن او تلاقي اخت بتحسن شرح فقه او شرح عقيدة. يا سلام! والله العظيم يبقى كنز اللي تفوته -

استغلتوش، ليه؟ كا، الحاجات دى، بتقاوا، لك - 00:14:44

ان انت لو ما طلبتش علم في فترة الجامعة يبقى انت عندك مشكلة كبيرة جدا. فمن الامور المهمة جدا ان انت تستغل فيها الجامعه.

ان انت تطلب العلم الشرعي. تطلب ايه؟ العلم الشرعي - 04:15:00

يعني لازم لازم ومهما للغاية. ان انت تختتم فتره القرآن فتره الجامعة. لأن بعد فتره الجامعة الموضوع بيبيقى اصعب. خلي بعد الجامعة بقى نراجع او بتاع ونسبت والكلام ده. واجازات وبتاع خلينا في الجامعة بس نختم ولو خاتمة يعني نختم وخلاص. وحاول تخلص مستوى او مستويين من طلب - 00:15:17

من طلب العلم صدقوني اللي طلب العلم في الجامعة آآ بيشرك الله سبحانه وتعالى دلوقتي واللي يكسل في فترة الجامعة الى الان
مش عارف حتى يبقى نص طالب علم جيد - 00:15:37

الحاجة الجميلة كمان في الجامعة في الموضوع ده انك انت عندك آآ مساحات كتير فاضية حتى جوة الكلية. اللي احنا بنسميه الاوقات البنينية ايه الاوقات البنينية دي؟ يعني حتى لو انا رحت الجامعة ده في وقت كتير في النص كده ممكن اعمل فيه حاجات كتير - 00:15:52

يعني بين المحاضرة والمحاضرة في ربع ساعة المواصلات بروح في ساعة برجع في ساعة تمام؟ آآ وهكذا حتى الاوقات دي الاوقات دي خطيرة جدا. انت ممكن يعني تجيبي ورد القرآن كله في المواصلات - 00:16:17

احاط خلاص - 00:16:34

وان رايحة هتسمعي جزء راجعة تسمعي جزء خلاص جبت وردي كده. لا وانا وانا رايحة حفظ صفة وانا راجعة هقعد فيها خلصت انا كده ورد الایه؟ ورد الحفظ. هو ممکن اليوم اصلا من قبل ما اروح البيت اكون عملت نص طلب العلم الشرعي بتاعي. ممکن

نخش المواصلات بحط في وداني سماعة بسمع الدرس اللي انا عايز اسمعه. وانا قاعدة في المحاضرة ما بين المحاضرات بسمع نص درس هنا ربع ساعة من درس هنا مقر قاطع هنا على ما اروح اكون خلصت نص طلب العلم. هتلacci فين الطرف دوت في حياة بعد كده معلش ممكن تبقي شايالة عيل صغير - 00:16:54

انت ماشيـة تمام مـاشية مع جـوزـك رـايـا دـاخـلـة سـوق مـطـحـونـة في شـغـل الرـفـاهـيـة دي مش هـتـلاـقـي الرـوـقـان دـه بـعـد كـده. فـانا بـقولـ اللي
مش هيـطـلـب عـلـم فـي الجـامـعـة هـيـنـدـم وـخـالـص. تمام - 14:17:00

طيب النصيحة اللي بعد كده وهي انصح الشباب والبنات استغلوا فترة الجامعة جدا في الدعوة الى الله سبحانه وتعالى، الدعوة الى الله سبحانه وتعالى، آآ مش هتلافق، - 00:17:31

فرصة دعوية في حياتك افضل من فترة الجامعة ليه اولا في كذا عامل انا قاعد في مكان كل الناس اللي فيه تقريبا في سني ممكن اكبر سنة ممكن اصغر سنة بس - 00:18:01

وقد ادع في مكان فيه الاف الشباب شباب كل شباب الاف من الشباب تمام الحاجة اللي بعد كده ان انا اكلم اي حد في اي حاجة ده طببي في الجامعة. ما حدش هيستغربني. لكن صعب مسلا ان انا اقف - 00:18:29

في الشارع اكلم حد بيستغربني انت موقفني ليه؟ عايز ايه؟ لكن انا بكلم حد في الجامعة مهمما كان ما حدش بيستغرب ان حد بيكلم حد جوة الجامعة عادي احنا في جامعة واحدة - 00:18:55

حتى لو سنا مختلف احنا في جامعة واحدة في الآخر. ففكرة ان انا حواليا الاف في سني او اكبر سنة او اصغر ان انا ممكن اكلم اي حد في اي وقت في اي حاجة - 00:19:07

ان انا بقعد كتير مع الناس ديت مش بس انهم موجودين لأد احنا بنقعد مع بعض كل يوم بالتللت اربع ساعات يعني ان انا اعمل تأثير عليهم على مهلي - 00:19:26

طول السنة واحد راحتني وارد تمام؟ غير ان انا لي مداخل كتير ممكن ادخل بها عليهم. منها ان احنا طب نزاك مع بعض. طب اصل ابيض لكم المحاضرة. طب اشرح لكم السيكشن اللي فاتكم. طب ما تيجي نقعد مع بعض في المسجد افهمكم الحلة دي. واعرف اجيب رجلين اي حد باي وسيلة - 00:19:40

وده يرجعنا لنقطة اللي اتكلمنا فيها المرة اللي فاتت. ليه لازم اكون متفوق في الجامعة ده احد الاسباب اللي بترجعني للنقطة دي ان من المهم جدا ان انا اكون متفوق في الجامعة. لأن التفوق في الجامعة غير الاسباب اللي قلناها - 00:20:02

اللي فاتت هي عمل لي حاجة مهمة جدا. هيفتح لي باب كبير جدا جدا للدعوة الى الله علي كلام كتير اوسي. وهيخلி الزبون يجي لي لغاية عندي غصب عنه وانا هتسلى عليه بقى على مزاجي. واثر عليه على مزاجي. لو انا دلوقتي لو انت مسلا انت اكتتر واحدة شاطرة في الايه؟ في في السيكشن بتاعك - 00:20:20

في محاضرات حلوة والبنات بيبقوا يتصوروا منك. وانت اللي فاهمة المحاضرة هيحصل ايه؟ هيحصل كل البنات تتلف حواليك من غير حاجة بنقابك بكل اللي فيك هيحبوك على كده. لأنهم عايزين من وراكك مصلحة - 00:20:48

هتيجي بعد كده تقولي لهم طب خلاص نقعدوا نشرحوا يا بنات. هنقعدوا نشرحه وانت بتشرحني يعني ما بلاش يا جماعة الشتيمة. اه بنات الاغاني طب ما لها الاغاني؟ تقدعي تكلميمهم في الحلة دي. طب تعالوا لي البيت اشرح لكم يروحوا البيت. طب انا يا جماعة هاصلني. تقوموا تصلوا معي. طب ما طب ما احنا مش - 00:21:03

مين؟ طب اتواطروا طب ما بعرفش اتوضا هعلمك الوضوء. طب يلا نصللي يا بنات. طب ما تيجوا نصوم يوم الخميس انا صايمة تصوموا معايا. هيحوها صايمهين طب ما ممكن ايه رأيك بعد ما نخلص شرح احفزكم ايتين كل مرة يحفزوا القرآن. على اخر السنة - 00:21:23

هتطلعي بعشر ملتزمات على الاقل صح ولا بحزز ولا ما حصلش ولا انا بقول كلام في الهواء. فاللي عايز اقوله ان انا فترة الجامعة ديت ان انا اقدر اعمل بها تأثير - 00:21:40

على شباب او على بنات بنات تعمل تأثير على البنات سهل. بس مهم قوي ان انت تكوني متفوقة. لأن انت لو ما كنتيش انت المتفوقة هيحصل عكس هيحصل عكس هتبقى انت محتاجة واحدة تشرح لك. افترضي بقى الواحدة دي كانت مش ملتزمة خالص - 00:21:53

وآآ وقعت فيها ما فيش حل تاني طبعا غير ان البنات اللي مش ملتزمة دي هتأثر على البنات وهيعتبروها قدوة وهيعتبروك انت مش قدوة. وبالتالي هيبقى عندهم التبرج ده حلو والنقاب ده بيفشل البنات ادم - 00:22:13

تمام؟ ده اصلا مش كويسة اجمالا. المشكلة الثانية ان كله هيقع في شبكتها. بمعنى دي لو قعدت مع البنات وقالت لهم طب آآ طب طب تعالوا اشرح لكم. دي ممكن عادي هتشتم وہتسمع اغاني وہتشغل اغاني وهي بتشرح. لو جابت - 00:22:34

ام البيت دي ما بتصليش. مش هتقول مش هتخلي واحدة تقوم تتوضى في في الحمام عندها. فكله هيتكسف يقول لها عايز اصلي صح ممكن تكون بتشرب سجاير اصلا يعني في مصابيح سودا في الجامعة دلوقتي. فاللي عايز اقوله انا ايه ايه اللي خلاني كده؟ تقصيرك هو اللي وصل لي كده - 00:22:53

لو انت متميزة في الجامعة ما كانش حصل اللي حصل. بدل ما كان الناس هيتأسروا بواحدة ملتزمة بتاع بحجاب واسع بنقاب. بقى وخلاص قدوتهم واحدة متبرجة بتسمع اغاني بتصاحب ولاد بوظت كل البنات اللي في بسبب تقصير الملتزمة. فاللي عايز اقوله - 00:23:13

اه ان احنا فترة الجامعة فترة مميزة جدا للدعوة الى الله سبحانه وتعالى. بسبب ان انا معندي شباب كتير بنات كتير في سنن سهولة التواصل ان ان الجيل السن ده اصلا عنده رغبة في ان هو يتغير. يعني الجيل ده قابل ان هو يقبل اي افكار. فلو لو انا لحقته - 00:23:33

افكار صحيحة دينية بيقبل صدقوني يقبلوا. عشان كده مسلا يقول لك هو ليه اهل المدينة امنوا بالنبي عليه الصلاة والسلام واهل مكة ما امنوش بالنبي عليه الصلاة والسلام في الاول. قال لك لنھل المدينة بعد آآ حرب الاوس والخزرج كان في حرب ما بينهم قعدت سنين طويلة - 00:23:53

كل كبار السن ماتوا تقريبا. كل الشيوخ ماتوا. ما فضلش في المدينة الا الشباب. الا الشباب. اه كان ان الشباب يقبلوا دعوة الاسلام اسهل بكثير جدا من الشيوخ يقبلوا. ولكن مكة كان كلها ناس كبار في السن فكان تغيير الافكار صعب فيهم. لكن - 00:24:13 اهل مكة اهل المدينة كانوا شباب فكان سهل ان النبي عليه الصلاة والسلام يأثر فيهم بغير فيهم الافكار كذلك صعب. فاللي عايز اقوله ان انت وانت فترة الجامعة انت وسط بنات شباب آآ سهل جدا تشكيل الافكار سهل جدا التأثير على على الشباب والبنات في الحلة ديت - 00:24:34

فاللي مش هيعمل اه مش هيشتغل في الدعوة الى الله في الجامعة يخسر كتير اوبي. تخيلي مسلا ان انت قصرت كل سنة بتاسري في عشرة بس. يعني تخيلي تطلعى من الجامعة معك خمسين - 00:24:52

ملتزمة خمسين ملتزمة. معلش هو انت لو اتجوزتي وقعدتي في البيت وما بتقابليش حد وما بتشتغليش هتأسري على خمسين واحدة امته وهتقابلي خمسين واحدة امته؟ وامته هتقعدي مع خمسين واحدة اربع سنين بتتكلمي فيهم وبتنصحى فيهم وبتغيرى فيهم هتلاقى - 00:25:08

فين الكلام دوت تمام مش هتلاقيه ولو حتى اشتغلت في الاخر هتشتغلني مع مجموعة محدودة في خمسة مع عشرة يمكن يكون ما فيش اصلا شغلك ما فيهوش حد اصلا ما بتامنيش غير واحد او اتنين او واحد او اتنين. آآ وجو الشغل ما فيش حد فاضي لحد. وما فيش حد عايز يركز في الكلام في الدين. وكله مطحون في الحياة وخلاص. هلاقى - 00:25:28

هنا انا الجو بتاع الجامعة ده تاني. تمام؟ والدعوة يا جماعة مش صعبة. انا مش بقول لكم آآ ابقو شيوخ ودعاة وتبقى علاء حامد وتبقى آآ محمد الغليظ مش كده. الدعوة يعني عايزك عايزك انا عايزك تخلی بنت ما بتصليش تصلي. يعني دي مش آآ - 00:25:49

مش محتاجة معجزة. عايزك بنت مش محجبة تتحجب. بنت بتلبس ضيق تلبس واسع. آآ بنت بتسمع اغاني تبطلها. بنت ما بتحفتش قرآن احفظ قرآن العادي الساھل انا مش بقول لك بقى ايه اشرحي كتاب فقه آآ ادي اجازات اشرحي لهم المواريس آآ اشرحي - 00:26:09

انا عايز بنت تتحفظ بس تبقى تبني تبني انسانة مسلمة صالحة. يعني يعني مش لازم تبني انت الجامدة. سم انت الدعوة وانا ضروري في انا اللي اقول كل حاجة بعض الناس بيعتقد لما اقول له اشتغل في الجامعة بيعتقد انا بقول له انت كن الداعية والشيخ لا طب ما انا ممكن اكون - 00:26:29

وسيلة بس بمعنى انت البنات بتحبك تمام؟ ولك تأثير عليهم. بس انت فاضية ما عندكش معلومات كثيرة. فاللي اقدر اقوله لكم يا

بنات مثلا علاء حامد. اسمعوا محمد الغليظ. اسمعوا فلان او فلان. دي لوحدها خلاص انت كده عملت دور كبير. وانا بقى بتختاري لهم

دروس - 00:26:49

معينة اسمها الدرس ده اسمعي الدرس ده. مش لازم انت تكوني اللي عارفة كل المعلومات. تمام؟ لكن من فيكم ما تقدرش تكلم بنت في صلاة في حجاب في أغاني في صحوبية في في قلة ادب يعني حاجات سهلة يعني مش مش صعبة. ان انت فلو انت قدرتي

تأثيري - 00:27:09

على البنت في الافكار ديت وبعد كده دليتها على مجموعة من الدعاة الشباب وبعد كده عرفتي تدخلها معهد من المعاهد الاولنلains زي الفرقان او كده فاكيد طبعا انت عملت الدور ومية مية يعني وزيادة. فما تشيلوش هم ان انا اصل انا ما بعرفش اتكلم. اصل انا ما بعرفش اقول ايه. في ايه يا جماعة - 00:27:29

يعني الموضوع بسيط ما تعديش الدنيا يعني الموضوع مش مش معقد قوي للدرجة دي. يعني انت ليه بتحطي العقبات الوهمية ديت؟ كلم عادي احنا بتكلم صاحبتها. هي دي عايزة اختراع هي دي عايزة تحضير هي دي عايزة ان انا ابقي آآ مفوه وبتاع انا بقول لك اطلعني اتكلمي في المدرج - 00:27:49

بقول لك كلامي البنت اللي جمبك. زي ما بتكلمها في المواصلات عادي تمام يبقى اللي عايزة اقوله ان ان مسألة آآ الدعوة جوة الجامعة مسألة مهمة جدا. مهم جدا انت تركزي - 00:28:06

طيب انا ادعوا ازاي؟ دعه على مستويين. بص بقى عشان ايه دي مهمة قوي دي الدعوة على مستويين المستوى الاول دعوة عامة ان انت بتحاولي تأثيري على كل اللي موجودين. وانت بتحاول تأثر على كل اللي موجودين - 00:28:22

بسلاوك ابتسامتك ان انت بتتصلي قدام الناس بيشوفوك بتروح تصلي بتيجي ادبك مراجعتك للقرآن كده ناس ايدك تسمع دروس بتتنصح الناس بتقول كلمة احيانا في السيكتشن في المدرج في تأثير عام على الناس - 00:28:40

المستوى الثاني هو التأثير الخاص بقى. تأسيري الخاص ده هو ان انا بستهدف اه اه مجموعة معينة بقرب منهم قوي واحاول فعلا اعمل فيهم تغيير تام تغيير كامل. يعني انا مش ممكن طبعا - 00:29:00

ادعو تلتميت واحد في نفس الوقت. ان انا اغيرهم يعني. وعشان اغيربني ادم الموضوع بياخد مجهد فعلا. لازم والازمه واتابعه واعرف زروفه ومتابعة يومية عشان احوله لانسان تاني. فانا - 00:29:18

التلتميمية دول هحاول اؤثر فيهم التأثير العام بالكلمات بتوزيع حاجات بسنتي بسلوكي بشرحي تأثيري العام بمواضع كده بكلمة طيبة لكن لازم الجانب دوت فيه التأثير الخاص. ان انت بتختاري كل سنة خمسة ستة. تمام؟ الجو دوت بتبني تصحيم - 00:29:38

بجد بس بتختاريم بعنایة بقى. يعني بتحاولي تختارى اللي هم ظروفهم اه مناسبة معك. عشان اقدر اؤثر عليهم يكونوا يا ريت قريبين من الالتزام نفسه. يعني ما يعني بحاول اشوف الاقرب. يعني مسلا واحدة مش ملتزمة بس اخلاقها كويسة. تمام؟ اه - 00:30:04

مش ملتزمة بس حسيتها كده مقبلة فدي اولى من اللي بعيدة خالص وتحتاري اللي مسلا ساكتة قريب منك احسن لان دي هيروح واجي معها ظروفها الاجتماعية زي الظروف الاجتماعية في تألف بيني وبينها تمام مثلا حسيت ان هي حباني - 00:30:24

كده واتعلقت بي دي اولى من اللي نفرة منك اللي عايزة اقوله ان انا لما اختار الدايرة اللي هعمل عليها التأثير الخاص بنقى كده خمسة ستة سبعة يعني ما يزيدوش عن عشرة. صعب جدا يزيدوا عن عشرة - 00:30:45

آآ بس دول بختارهم بقى بنقىهم بقى لان دول هصاحبهم بجد. ممكن تقعدى طول السنة ويمكن سنتين وتلاتة مع دول قاعدين احنا بقى مع بعض لغاية ما ما طلع دول ملتزمين التزام تمام. يعني خلاص غيرروا كل السلوكيات اللي مش كويسة بدأوا يطلبوا علم بدأوا بيحفزوا قرآن - 00:31:00

هم نفسهم شغالين في الدعوة الى الله بقى كده انا حققت ايه هدف غيرتبني ادمين. تمام؟ وغير بقى ان انا شغلت تاسير العام بتاعي ده على طول. والبني ادم اللي فعلا حسيت ان هو تغيير وصل ان هو - 00:31:20

بقى شايل نفسه خلاص باشتغل على اللي بعده. مش هاقعد مع الناس دي نفسها للابد يعني. طيب تعال نقول نصيحة كمان. نصيحة كمان. نقول وايه النصيحة كمان بسم الله. النصيحة اللي بعد كده - [00:31:32](#)

وهي هي لعموم لكم وللبنات خصوصا آآ وهي اهمية ان يكون حفازك على الصلاة في الجامعة هي قضيتك الاولى قضيتك الاولى ان انت يوم ما بتنزللي الجامعة مسألة ان انت تحافزي على الصلاة - [00:31:47](#)

دي قضية مصيرية. ما فيش كلام. ما ينفعش انانا اقول انانا رايح الجامعة علشان ارضي ربنا زي ما قلنا المرة اللي فاتت علشان ابر الوالدين وعلشان ادعوا الى الله. وبعد كده وما بصليش - [00:32:15](#)

يا نهار ايض ازا كان هناك عمل يعيق عن الصلاة؟ فلا خير فيه ولا بركة ولا هو طاعة ولا يصلح ان يكون طاعة ازا كان يصد عن اعظم عبادة على الاطلاق. الصلاة ام العبادات ورأس العبادات وافضل العبادات - [00:32:32](#)

ازا كان هناك شيء يمنع من الصلاة وضاعت الصلاة بسببه في اي عمل هزا يعني. بئس هزا العمل. فالبنت خصوصا طبعاً الولد صاته سهلة سالكة شوية. يعني الولد بننصحه يعني عادة بس بنقول له والله حاول انزل على وضوء - [00:32:55](#)

رايح الجامعة حاول ما تندش وضوءك عشان ما تتكلبلاش وصل الموضوع اصل بتوضى اصل انا مسرح شعري والجو دوت والولد يصلي هيصلي في اي حنة يعني والموضوع مش صعب ومهم قوي الولد يصلي في الجامعة جدا جدا يعني. وبينصح بقى الولد كمان والولد والبنت يعني. قبل ما تنزل من البيت قبل ما تنزل من البيت - [00:33:15](#)

اه اتواضاً اتواضاً خاصة بقى الشتا داخل اتواضاً والبس شراب بس يا ريت يبقى شراب سميك شوية عشان العلماء آآ في كلام على جواز المسح على الجورب الرقيق. اللي هو عامل زي الشرابات الحريمي دي الشفافة. بلاش - [00:33:40](#)

نبس شراب سميك شوية. اللي هو ما بيوصفش البشرة شرف سميك شوية. احوط يعني واحنا كده داخلين على الشتاء وكلنا هنلبس شرابات سميكية. فالبنت والولد عشان الموضوع ده بيكتبل قوي. يعني الموضوع كوم وغسل الرجل كوم تاني - [00:33:58](#)

يعني كل الموضوع سهل. بس حنة غسل الرجل دي بتبقى عائق كبير. ان حد في الجامعة والحمام اصلاً متنيل على عينه وحقق الجزمة واقلع الشراب واغسل رجلي وادوس على الارض والبس شراب والجزمة انا مش هاصل - [00:34:16](#)

في ناس بتوصل للمرحلة ديت طب انا طب ما اسهل على نفسي. قبل ما انزل الجامعة تتوضى او انت بتتوضاً تمام وتلبس الشراب على وضوء عشان ينفع تممسح عليه. لأن ما ينفعش امسح على الشراب الا لو انا لابسه على وضوء - [00:34:35](#)

قبل ما انزل اكون متوضى الخطة الاولى ان انا احاول احافز على الموضوع. يعني لو انا حافزت على الموضوع كده حلية نص المشكلة هخش الحمام كويس كده وما تاكلش كتير وبتاع - [00:34:53](#)

وانزل متوضى والبس الشراب حافزت على الموضوع؟ الحمد لله جبرت نقطت الموضوع المهمة مش صعبة هنتوضأ هتفجلس بس وشك وبتاع وايدك دي سهلة. وتممسح الشراب بس يعني سهلنا عليك المهمة خالص. تمام؟ ده بالنسبة للولد يعني الولد دائمًا تبقى الكعبة بتاعته في الجزمة وحقق الجزمة واقلع الشراب وبتاع وهتبلا - [00:35:06](#)

اللي بقوا معلم لله يعني اتعب شوية. والولد كده كده مسح على الرأس مش بيزعله قوي هيصرح الدنيا هترجع زي الاول بسهولة. فبيبقى مشكلته دايماً ايه مع اصل انا مش متوضى طب انزل متوضى طب اصل انا عايز جزمة والشراب طب انزل اتواضاً قبل ما تنزل والبس شراب عشان تممسح عليه - [00:35:33](#)

لكن البنات بقى قصة بقى حوار عشان يحافظوا على الصلاة. كذا مشكلة. المشكلة الاولانية زي ما قلنا ان البنت احياناً بتنزل مش متوضية. وده بيكتبلها بقى طول اليوم. طب ما ننزل متوضيين. اهي دي المسألة الاولى. المسألة الثانية ان زي ما قلنا مسألة اه - [00:35:52](#)

غسل الرجل دي عندهم مشكلة كبيرة. طب ننزل متوضين ولا بسین شراب؟ زي ما قلنا سميك شوية. حلية المشكلة ديت. تمام احياناً اه بيبقى عندها اه مشكلة في ان هي تتوضأ اصل شعري ومحمسح شعري ازاى - [00:36:13](#)

الموضوع مش صعب يعني قول بعض العلماء ان مش لازم نمسح الرأس كلها. يعني ده مذهب معتمد عند كثير من العلماء.

- ممکن انصح بعض للرأس. فلو يعني مش هتقدرني تقلعي الحجاب وتمسحي راسك كلها. ممکن تدخلی ایدك من تحت الحجاب كده

00:36:31

وتحاولي تمسحي جزء كبير من الرقص او اغلب الرأس من تحت الحجاب كده وترجعيه تاني وتشديه او تشدي النقاب وخلاص الموضع ايه مش صعب بل بعض العلماء بيجوز ان المرأة تمسح على الخمار اذا شق عليها نزعه. بعض العلماء يجوز - 00:36:51
ان تمسح المرأة على الخمار اذا شق عليها نزعه. فاحنا بنقول خلينا في الاحواض لو قدرتي من يعني لا عرفتي تقلعيه بقى خير وبركة. صعب اصل فيه ناس اصل ممکن حد يشوفني - 00:37:13

ايدك من تحت كده ومسحتي خلاص هي مرة واحدة. لا مستحيل وبتاع على قول بعض اهل العلم يجوز المسح على الخمار في حال المشقة. او لو ما فيش مشقة لأ بلاش احسن. تمام - 00:37:29

فحلت لك مشكلة كبيرة تانية. وهي مشكلة الايه مسح الرأس ديت. طيب لا ده فيه مشكلة تالتة يا عم الشيخ. ايه؟ انا ما ما هصللي فين؟ هصللي ازاي طيب في حاجة في حاجتين مهمين لازم يكونوا معك وانت رايحة الجامعة. ما عملتيمهمش بقى انت الصلاة اصلا مش في بالك - 00:37:46

يعني واحدة ما عملتش اللي انا هقوله ده. بقى هي اصلا مش عاملة حساب الصلاة لأ الشراب لو ما بيغطيش الايه العضمتين بارزتين دول ما ينفعش. لازم يغطي العضمتين اللي جنب جنب الرجل لازم - 00:38:09

يكون اعلى من كده. اما الشراب اللي هو الايه في الهواء ده الصغير قوي ده لا ما ينفعش نمسح عليه تمام؟ طيب انا بقول دلوقتي اه حاجة لو ما بتعملهاش بقى انت اصلا مش في بالك الصلاة. معلش مع احترامي لكل بنت. ان انت تاخدي معك مصلية البلاستيك. مصلية البلاستيك الصغيرة ديت - 00:38:25

اللي هي ما لهاش وزن تقريبا. مصلية بلاستيك صغيرة جدا تمام نمرة اتنين اه في واحدة مسحة على الكم لأ دي ما فيش دي ما حدش قالها دي. ما حدش قالها دي ما حصلتش. ما فيش حاجة اسمها المسح على الكم - 00:38:48
تمام؟ المسح بيكون على الشراب اللي هو سميك ومغطي الكعبين اللي هم العضمتين دول. لو انا لابسه على وضوء كمان لو مش لابسه على ضوء ما ينفعش اه وبعض العلماء زي ما قلنا بيتجاوز المسح على الخمار في حال المشقة. ما فيش حاجة اسمها مسح الكم. ما فيش مسح على الكم - 00:39:07

طيب الحاجة اللي بعد كده قلنا ايه؟ اه حاجتين لو ما بتعملهاش بقى في بقى انت مش مهتمة بالصلاه. انك انت بقى معك مصلية بلاستيك صغيرة. عشان اي ظرف عايز انا اصلبي في اي مكان هتعامل - 00:39:27

نمرة اتنين معاكي اسدال صلاة. لو انت لبسك يعني مش قد كده او عايزه تبقي مستوره بقى جامد بقى لأن مسلا مسلا آآ ولسه هنقول مسائل في الليبس دوت مسألة مهمة يعني. معك اسدال صلاة المهم وخلاص. ان انت لو لبسك مش واسع هتحتاجي - 00:39:46
ده للصلاه طب انا هصللي فين اولا دلوقتي ازن المساجد بتاعة الكليات كلها فتحت صح اظن مش صعب بقت سالك جدا بقى في مصلى بنات في الجامعة. هتصلي عادي لا ما فيش مصلى وقافلينه بعيد قوي على ما اروح له واجي اصلبي في اي مكان - 00:40:11
صلبي في اي مكان تعالى كده اي غرفة فاضية. اي سكشن فاضي. روحي جوة كده وعلى جنب بعيد كده وحطبي المصلية البلاستيك الله صلي. اصل بتكتسف ما فيش حاجة بتكتسف يصلبي وخلاص - 00:40:35

طب افرض بقى حد شافني؟ دي مشكلتك انت يعني لو مرأة اضطرت تصلي في مكان ممکن يتحمل ان ان راجل يشوفها هل ينفع وما ينفعش؟ ينفع طبعا - 00:40:52

والمشكلة عند الرجال مش عند السست هو اللي يلزمها يغض بصره هو اللي يلزمها ما يبصش. لكن انت لازم تصلي لو قفلت خالص هصللي في مكان يتحمل ان بقى فيه آآ رجل ينظر. ما ليش دعوة - 00:41:12

انت خدي احتياطك على قد ما تقدري خدي ساتر خليه في ضهرك ساتر بتاعة خلي حيطة جنبك. كل اللي نقدر عليه نعمله وفي الآخر هتصلي برضو راجل بقى بص ما بتصش دي مشكلته هو ما لناش دعوة به. لكن لا يجوز ان انا اصلبي طالما احتمال فيه راجل يشوف لأ

بالعكس لازم تصلي مهما كان. النبي عليه الصلاة والسلام في المسجد لما كان في المسجد نبوي؟ اه كان النساء وراء والرجالة قدام.
بس ما كانش فيه فاصل بينهم يعني ممكن اي حد يبص وده لم يمنعهم ان هم يصلوا - 00:41:49

تمام المشكلة اللي بعد كده عند البنات. هقول كذا مشكلة لسة لسة اه ممكن بنت معها بنت صح. تستر على اختها في معها زميلتها
تقولي لها طب انا هاصلني وانت استريني. وبعد كده انت صلي وانا استرك. سالكة يعني. مش صعبة - 00:42:04
طيب المشكلة الثانية عند البنات اعتقاد بعض البنات انه ما ينفعش تصلي وهي حاطة ميك اب يعني هي متوضية ماشي هي
متوضية بس هي حاطة ميك اب. فبتعتقد ان ان ما ينفعش اصلني وانا حاطة ميك اب. وده غلط - 00:42:29

اه بغض النظر عن الميك اب نفسه يعني. يعني الميك اب طبعاً الميك اب ده ما ينفعش يتحط برة يعني قدام الرجال الاجانب. ما
ينفعش واحدة تحط في الجامعة اصلاً. تمام؟ آآ انما الميك اب ده للنساء بس او للمحارم. جوزك المحارم ابوك اخوكي والنساء كلهم -
00:42:56

راجل غريب مش محرم يشوفك بالميك اب ما ينفعش بس نفترض واحدة نزلت بالميك اب خلاص هل معنى ان هي عملت غلطة زي
الميك اب؟ نقول لها ما تصليش يعني نخلي مصيبتنا مصيبتين والمصيبة الثانية اسوأ من الاولى. ترك الصلاة اسوأ من التبرج نفسه. لأ
البنت حتى لو صاحبتك عاملة ميكاب - 00:43:16

متوضية جاء وقت الصلاة هتقولي لها صل ينفع اصلني بالميك اب؟ ينفع اصلني بالميك اب. طب انا حاطة مونيكير طب انت اتوبيت
قبل ما تحطيه؟ اه كنت متوضية بعد كده حطت مونيكير وبعد كده نزلت بس هي متوضية. ينفع تصلي به؟ اه ينفع تصلي -
00:43:38

تصح الصلاة تصح الصلاة هل يعذر ما تصليش؟ ما لهاش عذر ما تصليش لكن حتنصح بعد كده ان الميك اب ده ما ينفعش وبتاع قدام
الرجال والكلام دوت ما يصحش وبتاع. تمام؟ فدي مسألة تانية يعني - 00:44:00

ينفع تصلي بالميك اب طب بقى كان لاقى لازم تتوضأ مش متوضية. ولازم تتوضأ هنا هيبقى مشكلتنا مع الميك اب في المونيكير بقى
دلوقتني لأن ما عدا ذلك من الميك اب تقريباً مش بيمنع وصول الماء. غالباً كل المساحيق بتاعة الوجه ديت او كده - 00:44:18
دي مش بتمنع آآ وصول الماء يعني. بس غالباً الحاجة الوحيدة للمشكلة هي المونيكير فالبنت اذا كانت كده لازم تنبهوا بعض يا بنات.
يا بنات اللي النصيحة اصلاً ما تحطيش الحاجة دي خالص. ما ينفعش - 00:44:41

بس واحدة لسه على ما ربنا يتوب عليها من الموضوع دوت هتقولي لها بس خلي بالك يعني حتى لو نزلت به انزلي متوضية عشان لو
نقضتي وضوءك مش ينفع تتوضي وانت حاطة المونيكير دوت - 00:44:59
الصلاوة مش هتنفع. لانه بيمنع وصول الماء. فممك ده يخليها حتى في المونيكير ما تحطش مونيكير. تقول لك طب خلاص مش هحط
المونيكير عشان الصلاة. يبقى ايه؟ طلعننا طالعة معها. عديننا حته معها. وبعد كده نخليها تخف بقى الميك اب ده خالص ويريحنا. طب
انا لا اصل انا لو انا - 00:45:11

غسلت وشي الميك اب هيسريح. انا مالي! انا مالي! احسن ما وشك يسريح في نار جهنم احسن ما وشك كله يسريح وجلك يسقط في
نار جهنم. مش مهم الميك اب. مش مهم الكريم اللي حضرتك حاطه على راسك - 00:45:31
مش مهم الجيل اللي مسبت راسك المهم الصلاة شعرك ده يتحرق في نار جهنم كله لو ما صلتشر. وشك ده هيسريح في نار جهنم لو ما
صلتشر ما الميك اب يسريح ولا يروح في ستين داهية - 00:45:48

انا مالي ما حدش قال لك حطيه من الاول تمام؟ فالازم احنا يا جماعة نعزم قدر الصلاة ولما ربنا يرى ان واحدة فعلاً عملت كده لله
والله يعني يرزقها الهدایة - 00:46:04

ويحبب اليها الصلاة. وبعد كده فعلاً تبقى خلاص مش هحط ميك اب عشان موضوع الصلاة والوضوء والكلام ده. وتبقى الصلاة اهي
فعلاً نهيتها عن الفحشاء والمنكر بالطريق فيها ديت تخيلوا - 00:46:20

طيب يبقى انا هيبقى عندي مشكلة واحدة في البنت اللي من الميك اب بتاعها مونيكير وكمان مش متوضية فما فيش حل غير ان هي تشيله. في بقى مادة بسرعة كده تشيل الميك ده تشيل المونيكير ده خالص. المواد اللي بتذوب المونيكير ديت وعمل -

00:46:32

ماشي. ممكن انت برضو خلي معك مادة زي دي يمكن واحدة صاحبتك تتزنق في صلاة ومعهاش مذيب تقولي لها خدي يا دي المزيب تك تك تك وتروح تتوضأ ويبقى انت عملت فيها خير - 00:46:52

تعالوا نشوف مشكلة كمان كلها البنات كلها بنات مشاكل بصي الرجال صلى على طول طالع من البيت راح صلى البنات بقى حوار بقى عشان نصلی بقى اللي جاي ده لازم ترکيزة - 00:47:05

عشان المسألة دي صعبة شوية طب خلينا نجاوب على السؤال ده الاول. هل ينفع واحدة تصلي بالنقاب مسألة على آآ النقاب يعني مغطية ووشها لو هي في مكان يمكن ان يطلع عليها رجال يبقى اصلا لازم اصلي بالنقاب طبعا - 00:47:27

لا وهي في مكان مستحيل يطلع عليها رجال وما فيش غير النساء يعني اه لا يستحب ذلك لا يستحب ذلك الصلاة صحيحة بالنقاب صحية طبعا بس لا يفضل ذلك. الافضل ان تكشف الوجه والكفافين - 00:47:51

عندما تصلي تمام لأن دي مش عورة الصلاة. يعني الوجه مش عورة في الصلاة. الكفافين مش عورة في الصلاة هي عورة خارج الصلاة على قول بعض اهل العلم. تمام لكن الصلاة صحية عموما - 00:48:10

خلينا بقى في الاصعب بنت آآ متوضية. وكله تمام. خلاص؟ لكن لكن لابسة ضيق يعني لابسة فوق كده ضيق شوية. لابسة بنطلون ضيق شوية. بس ساتر. ما فيش حاجة من جسمها باينة - 00:48:26

هو لو في حاجة من جسمها باينة زي بنطلون مسلا فيه فيه فتحة كده مبينة حتة من الفخذة حتة من اي حتة تمام البتاع القصير قوي ومبين الجزء دوت اه في فتحة كده لا مش هيمنفع خالص تصلي طالما في - 00:48:56

جزء من عورتها مكشوف مش هيمنفع. هنا لازم تستره بي شكل احنا كده بنتكلم في الحالة الثانية لا هي ما فيش حاجة الى الوجه والكفافين بس اللي مكشوفين. يعني مكشوف الوجه والايده والكفافين. بس اللبس ديق - 00:49:16

ضيق لابسة ضيق شوية ضيق من هنا ضيق من تحت. وما فيش اسدال ومش عارفين نتصرف لها في اسدال ومش عارفين نعمل ايه. وهي عايزه تصلي ينفع تصلي ولا لا - 00:49:33

ودي اخطر مسألة ينفع تصلي ولا لا؟ هل مسألة كالتالي هل يجوز الصلاة بالملابس الضيقة؟ الساترة هي ساترة يا ساترة ما فيش حاجة باينة. لكن ضيقه نقول يجوز الصلاة بالملابس الضيقة - 00:49:48

وتصح الصلاة بالملابس الضيقة ولكن هذا امر مكروره يتنافي مع اللادب مع الله. تاني الصلاة بالملابس الضيقة هل تصح؟ قول ده طبعا ده فتوى يعني المذاهب فتوى الامام ابن باز والكلام ده انا جايبيهلكو يعني ايه بعد دراسة يعني تصح الصلاة - 00:50:08

الملابس الضيقة وتقبل الصلاة بالملك الصديق. اذا كانت ساترة ازا كانت ساترة ولكن يكره ذلك وهو من سوء اللادب مع الله في الصلاة طبعا احنا بنقول الكلام ده كحل حل اخير - 00:50:36

حل اخير مع بنت عايزه تصلي بس هي بتقول لك انا لابسة ضيق. هل انا ممكن اقول لها ما تصليش انا اقول لها ما ينفعش تصلي انا بيقى انا السبب ان هي ما صلتتش عشان انت مسلا تخويفها من التبرج تقولي لها ما تصليش - 00:51:03

مش هيقبل منك ويبيقى النية ما صلتتش في ميزان سيناتك انت. لان هي هي بتقول انا عايز اصلي تمام فازاي بقى بيقى انا بيقى انت عشان تخويفها من التبرج. تقول لها ما تصليش ما ينفعش تصلي - 00:51:22

لا انت لازم تساعديها قولي لي لأصلي صلاتك ان شاء الله تقبل. وبعد كده بعد الصلاة تتعدي معها تتصحّيها في اللبس وكده تمام كون ان انا بقول لها صلي طبعا مش تشجيع على التبرج زي ما حضرتك بتقولي - 00:51:40

العكس ده انا بساعدها تقرب الى الله عشان ده المدخل اللي بعد كده هتخلها منه ان ما ينفع طب تقفي قدام ربنا كده طب ما ايهرأيك تلبسي كده وكده. لكن لو قلت لها ما تصليش بيقى هي جمعت مصيّبيتين - 00:51:59

جامعة مصيبيتين تبرج وترك الصلاة. طب الصلاة هي اللي بتنهى عن الفحشاء والمنكر. فانا قلت لها ما تصليش. شكرنا بعد كده هبتدي بقى ادي لها حلول. هقول لها طب ما تجيبي معك اسدال. طب ما تلبسي اصلا واسع. طب لغاية ما تلبسي واسع انا هجيب لك اسدال معنـ - 00:52:15

هجيب لك اسدال هدية وخليه معك في الشنطة. والبنات تحط في المسجد اسدالات عشان البنات اللي زي دول في بنات بتقرف تلبس اسدال مكان واحدة. خلاص في اسدال هتبقي شایله لزميلتك. بتجيبيه لها او تديه لها هدية تحطه لها في شنطتها عشان ما تطلعوش ابدا. في حلول كتير - 00:52:33

لكن مش منها ان انا اقول لها ما تصليش غلط تمام؟ آآ هو مشكلة اللبس الضيق في نظر الرجال يعني دايما بيقول لك في فرق بين عورة النزد وعورة الصلاة - 00:52:52

يعني ليه بنقول اللبس البنات الضيق حرام مش عشان هو مش طب ما هو ساتر. هو فيه حاجة باينة؟ ما فييش حاجة باينة. بس هو مشكلته هنا مش في الستر. مشكلته هنا في الفتنة. ان هو ستر بضيق - 00:53:08
فالضيق وصف العورة فادي الى فتنة هو ستر. يعني العورة انا مش شايفها انا مش شايف مش شايف جلدتها. بس ستر بضيق.
فالضيق وصف العورة. فلما قصف صار فتنة للرجل. عشان كده الضيق ما ينفعش قدام الرجال. لكن بالنسبة للصلاة الامر ايسر. لأن انت بقى انا هي واحدة واقفة قدام ربنا - 00:53:24

تمام؟ فهنا مسألة الضيق والفتنة مش موجودة. بس هنا بنرجع نقول هو ستر. لأن الواجب في الصلاة ستر العورة وهي استرت. بس اتصدرت بضيق. فبنقول الصلاة تصح لأن العورة استرت فعلا. لكن الستر بالضيق سوء ادب مع الله. ويكر - 00:53:50
جدا الصلاة بالاليه؟ باللبس الضيق. لكن الصلاة صحيحة بس انا قلت لكم مسألة مهمة وهم تتلخبطوا فيها وناس هتسنغرب ازاي الكلام ده
لكن دوروا ورايا اكتبوا على النت حكم الصلاة بالملابس الضيقة. اكتبوا عادي - 00:54:11
على جوجل كده حكم صلاة المرأة بالملابس الضيقة. شوفوا الفتوى شو الفتوى؟ كل الفتوى هتقول لك يجوز. فبنسهل على الناس
مش بادعوا للتبرج يعني. وبعد كده باقول لك انت بقى خليكي داعية. هي زميلتك لما - 00:54:27
تسهلي لها الصلاة اشتري لها اسدال. هتفرق معها كتير. لكن المهم يا بنات مسألة حفاز الشباب والبنات على الصلاة في الجامعة مسألة
هامة. المسألة الثانية ان هل طب انا افرض مش عارف اصلـ - 00:54:41

طالعة في اول الوقت مش مشكلة. آآ يعني خلاص لو لو في عذر ممكن احنا معنا وقت. المهم ما تجييش الصلاة الجایة عليك الا اما تكوني صليت يعني لو اخرنا الصلاة شوية علشان انا المحاضرة مش عارفة اطلع فهصلي بعد المعاد بنص ساعة بعد المعاد - 00:54:57

ساعة بعد ما عدى بساعتين تمشي بس الكارسة ان يخش وقت الصلاة اللي بعديها وصعب قوي تقنعني ان المحاضرة هتاخذ من قبل
صلاة بعد يعني ولو فيه حاجة كده حاولي تلacci مخرج تطلع في نصها تحضرها في وقت - 00:55:17
تاني تزبطي جدولك ان كل محاضراتك والسكنك ما بيخشن سلاطين على بعض اتصرف في لو عايز تصلي الصلاة في وقتها
هتتصرفي. هتلacci حل. تمام لكن مسألة مستصلыш بقى وبتاع لأ والمواصلات برضو نربط المواصلات على الصلاة. ما تجييش واحدة
بقى قبل المغرب بخمس دقائق تروح راكبة المواصلة. ما انا هوصل بعد العشاء. طب ما - 00:55:35
استني المغرب يأزن وصلـي وبعد كده اركبي ليه عملتي في نفسك كده؟ عادي اصبر شوية عشان ما ما تكعبـلـش الكعبـلة دي وبعد كده
يقول اصل انا ركبتـها وبوصل طب انا ما نصبر شوية - 00:56:02

صلـي وبعد كده نركـن تمام؟ ايـوا منها البـنـطـلوـن طـبعـا المـهمـ يعني ايـهـ؟ الصـلاـةـ الصـلاـةـ الصـلاـةـ فيـ الجـامـعـةـ ياـ بنـاتـ مهمـةـ جداـ.
الـصلاـةـ فيـ الجـامـعـةـ ياـ شـبابـ هـاـ ايـهـ كـفـاـيـةـ كـدـهـ - 00:56:17

الـسـاعـةـ كـمـ؟ السـاعـةـ عـشـرـةـ وـرـبـعـ فيـ المـدـرـسـةـ صـلـيـ جـوـةـ الحـوشـ صـلـيـ فيـ الفـسـحةـ صـلـيـ عـلـىـ جـنـبـ. صـلـواـ فيـ ايـ مـكاـنـ معـيـ مـصـلـيـةـ مـعـاـيـاـ اـسـدـالـ صـلـيـ فيـ ايـ حـتـةـ - 00:56:34

تمام؟ اخيرا بقى بسرعة عشان نقف بقى المواضيع آآ م موضوعين بموضوعين بسرعة. الموضوع الاول هو ايامكم والاعمال المختلطة في الجامعة. يعني الانشطة الطلابية بقى والجو ده نصيحة ابعدي عن اعمال طلابية حتى لو كانت خيرية اللي فيها اختلاط جامد مع الولاد. لأن الموضوع ما يبسلمش - 00:56:50

وأغلب قصص الحب اللي بتوصلي. خاصة ما بين الملتزمين اللي هم او شبه ملتزمين يعني. كانت بدايتها اعمال مختلطة في الجامعة واعمال صالحة واعمال خيرية وبعد عن القصة دي. ولو انا عايز اشارك في عمل خيري في الجامعة ادور على وظيفة ما فيهاش اختلاط. يعني اقول لهم مسلا ايه الحنة اللي فيها بنات بس؟ كذا. طب انا معكم في كزا - 00:57:19
شاب ايه الحنة اللي فيهاولاد بس؟ كذا. اما بقى الحنة اللي فيهاولاد على بنات طول النهار دي كهربى منها اسمعى الكلام. وانت اهرب منها اسمع كلامي. ان ديت شرعنـة للايه؟ اعملوا اللي انت عايزينه. احنا هنا تحت مظلة عمل - 00:57:43
الخير واحنا طيبين وعمل اسلامي. والخراب كله بيحصل في الحنة دي اخر حاجة هي مش اخر حاجة او حاجات كتير بس انا مش

من فتنة الفاندي الضغط النفسي اللي بيحصل بقى والجامعة وهنتخرج ولازم احضر واصل لازم طب اعمل ايه؟ طب ما انا لازم احضرها مش لازم تحضرني. خالص خالص. انا في ايام جامعتي في الفين وستة ما حضرتش حفلة التخرج. عشان عارف ان هم هيشغلوا فيها موسيقى بس. يعني زمان ما كانش فيه لا مهرجانات ولا - 00:58:14

فني بيجي ولا حاجة. بس كان مجرد بس الحفلة هيبيقي فيها بنات كتير. وهيبقى فيها شوية موسيقى. ما حضرتهاش. ولا اتصورت صورة مع الجامعة مع الطلبة اصلا عادي انا خدت شهادتى، ما شفتهمش تانى - 00:58:41

فجر وبنات لابسين تيشرتات ضيقة وتيشرتات لون واحد وقاعدين يترقصوا قدام المغني وبتاع فانا هروح عشان انا نفسي احضر
الavan داي والفوتو دي بلا خيبة لا وفي حل تاني ان احنا نعمل مبادرة في الجامعة زي ما في ناس كتير بيعملوا بس هي المبادرة دي
بدرى قبل ما العيال الفاسدين والبنات الفاسدات يخلصوا - 00:59:08

يتحجّزاً ويتقدّموا عليه ويعلمونا تبرعات من الجامعة. بدمري بدمري دلوقتي في أول السنة نعمل مبادرة. إيه رأيكم يا جماعة كل عمل خير بدل الفان داي بدل ما كنا هندفع مسلا عشرين خمسين الف جنيه في الفنان داي. طب ما نعملهم ونجيب لهم جهاز لمستشفى الأورام. نجيب لهم جهاز لمستشفى الحرائق. نعمل لهم بير في أفريقيا - 00:59:32

نعمل بهم عمل خير وكلنا يوم تسلیم البير ده يبقى هو ده الفاندي بتاعنا. كل الجامعة يللا بنا ولاد وبنات حتى هو يوم يعني مش هيبقى في فساد او اي. هناخدوا بعض ونروح ويومها نسلمه لمستشفى الجهاز. ونبقى فرحة وعمل صالح لنا. نعمله افتتاح - 00:59:54
الجهاز ده في مستشفى الاورام مستشفى السرطان مستشفى الحروق بدل ما نعمل الايه الزفت ده وبتاع ويبقى ايه احسن مبادرة. او البنات مع نفسهم يعملوا اعتراض احنا مش عايزين الفان داي دا مش عايزين مع الولاد. احنا هنعمله لوحدهنا فسحة لوحدهنا. وتعملوا لوحدهكم فسحة كدا هادية ما فيهاش حاجة - 01:00:14

غایل و تجمعوا بعض و تروحوا مكان و تاکلوا و تشربوا و بتاع و تتبسطوا من غایر موسیقى من غایر ایه من غایر آآ مغني من غایر ای حاجة. هو لازم انا امشي في المسار المتخلف ده. يعني ما ينفعش ابقي لي شخصية - 01:00:34

لا يكن احدكم مع ان احسن الناس فليحسن وان اساءوا يسيء مسلهم. لأن احسن يحسنوا من اساء اجتنب اساءتهم فاما تعلموا مبادرة من الاول تلغوا خالص ويبقى كتر خيركم. وتعملوا بديل حاجة صالحة نعملها. او لو فعلنا خلاص اتفرض علينا - [01:00:49](#)
الفان داي دوت والجامعة ماشية في الاتجاه دوت. يبقى ممكن انتم تعملوا ضغط في اتجاه تاني. احنا مش معكم احنا بقى مجموعة بنات مجموعة شباب احنا هنعمله لنفسنا مش ما لناس دعوة بكم. يا جماعة اللي عايز بيجي معنا بيجي احنا نعمل يوم محترم ما فيهوش مخالفات. وهنتبسط وبناع وخلاص. هتلافق ايه انت هتلافق زلزلت الدنيا - [01:01:08](#)

تلاقي كله هيقلق. فلأ نعمله تغيير من دلوقتي تمام؟ أما بقى لو وصلنا ما فييش حل غير انانا ما اشاركش طز في الفند في الفان داي وفود داي و طز في اليوم دا و طز في صوره. وانا في الاخر بعد كل دا هضبيع كل دا بختام سيء -

01:01:28

انا ان شاء الله كل واحد ان شاء الله كله يالس علي ولا يهمني. ولا يهمني في النهاية يا شباب الجامعة هي صفحة من صفحات العبودية بالنسبة لك. خمس سنين خمس سنين في حياتك اللي هي كلها ممكن تبقى خمسين سنة. يعني عشر حياتك هتقضيها -

01:01:49

الجامعة عشر حياتك هتضضيها في الجامعة. تخيل ممكن تعمل قصة عبودية عاملة ازاي في الجامعة دي؟ والعكس ممكن الايام دي تبقى في ميزان سيناتك لدرجة ايه يوم القيمة فترة الجامعة دي هتسأل عنها لوحدها يوم القيمة. ليه؟ لأن من اسئلة يوم القيمة عن عمره فيما افناه؟ وعن شبابه - 01:02:09

01:02:09 -

فيما ابلاه يعني فترة الجامعة هي سؤال لوحده يوم القيمة. سؤال لوحده يوم القيمة. فترة الجامعة عملت فيها ايه؟
فتخيل واحد لما يتسائل عن شبابه فيما ابلاه فيما افناه يلاقي فيه اختلاط يلاقي فيه صحوية بنات يلاقي فيه ترك صلوات

الموقف - 01:02:33

موقف هيبيقي صعب وانا ما عنديش استعداد ان انا اقعد في الموقف ده النهاردة هاخد قراراتي انا لوحدي انا انا هعمل الصح اللي
يجي معی بيجي مش هيبيجي مش مش هيبيجي وہسمع کلام الشيخ علاء والاثنين لایف اللي قاله لنا کتر خیره - 01:02:56

يُبَحِّي مَعِي بِيَحْيى مَشْ هَيْبَجِي وَهُوَ مَعْ كَلَامِ الشَّيْخِ عَلَاءِ الْأَنْتَنِينِ لَأَيْفِ اللَّى قَالَهُ لَنَا كُتُرْ خَيْرَه - 01:02:56

وهنshire وھقول للناس كلها تسمع اللايپفين دول وبيقى هو ده بقى ايه الحسنة اللي انا عملتها في الجامعة انا بحیكم في الله عشان

کده بقوا، لکم النصایح دی، وزد، ما قلت لکم المرة الـۚ، فاتت اللـۚ، انا بقوله لكم ده ما حدش، قالله لكم - 01:03:10

ما حدش قاله لكم. انا جاي لكم من جوة المطبخ. ما انا جاي لكم المطبخ نفسه فاسمعوا كلامي. اسمعوا كلامي. لأن ما حدش قال لكم

الكلام بوت تمام؟ اه دنبا پڑ عنکم بارب وساک فیکم انا بحکم ف الله عشا: کده - 01:03:25

احاول انصحكم وارجو من الله ان انتم تكونوا احسن ناس وربنا يوفقكم لک خير وربنا يرضي عنکم ويحکم. ان شاء الله نتقابلا على

01:03:59 - انشاء الله تعالى اذن الله تعالى كم مرحمة الله تعالى